

An Seachtú Tuarascáil Bhliantúil

de chuid

Chathaoirleach an Phainéil Breithnithe um

Chonarthaí Foirgníochta,

An tUas. Bernard Gogarty,

chuig

An tUas. Neale Richmond T.D.,

An tAire Stáit do Ghnó, Fostaíochta

agus Miondíol

Ábhar

Leathanach

1. Réamhrá	3
2. Achtú agus tosach feidhme an Achta um Chonarthaí Foirgníochta, 2013	3
3. Achoimre ar na príomhfhórlacha an Achta um Chonarthaí Foirgníochta, 2013.....	3
4. Iarratais faoi alt 6(4) den Acht um Chonarthaí Foirgníochta, 2013.....	5
5. Tuairisceáin sonraí staidrimh ó Bhreithneoirí.....	7
6. Breithiúnais na hArd-Chúirte.....	13
7. Tráchtareacht agus Conclúidí	14
Aguisín 1 Baill an Phainéil Breithnithe um Chonarthaí Foirgníochta.....	15

An Seachtú Tuarascáil Bhliantúil

de chuid Chathaoirleach an Phainéil Breithnithe um Chonarthaí Foirgníochta

ó cuireadh tús leis an Acht um Chonarthaí Foirgníochta, 2013

1. Réamhrá

1.1 Cuimsíonn an ról atá agam mar Chathaoirleach an Phainéil Breithnithe um Chonarthaí Foirgníochta ceanglas tuairisc a thabhairt go bliantúil don Aire Stáit sa Roinn Fiontar, Trádála agus Fostaíochta, atá freagrach as an Acht um Chonarthaí Foirgníochta, 2013.

1.2 Is é seo a leanas an Seachtú Tuarascáil Bhliantúil ón am a cuireadh tús leis an Acht um Chonarthaí Foirgníochta, 2013, a chlúdaíonn an tréimhse ón 26 Iúil 2022 go dtí an 25 Iúil 2023.

2. Achtú agus tosach feidhme an Achta um Chonarthaí Foirgníochta, 2013

2.1 Tháinig an tAcht um Chonarthaí Foirgníochta, 2013 i bhfeidhm maidir le conarthaí áirithe foirgníochta a rinneadh tar éis an 25 Iúil 2016 de réir an ‘Ordú um an Acht um Chonarthaí Foirgníochta, 2013 (An Lá Ceaptha) 2016’ (Ionstraim Reachtúil Uimh. 165 de 2016).

3. Achoimre ar na príomhfhórlacha an Achta um Chonarthaí Foirgníochta, 2013

3.1 Is é cuspóir an Achta um Chonarthaí Foirgníochta, 2013 íocaíochtaí a rialú faoi chonradh foirgníochta a chuimsítear faoin Acht. Baineann sé le conarthaí i scríbhinn agus ó bhéal araon. Tá conarthaí áirithe díolmhaithe faoin Acht. Áirítear leis na díolúintí seo conradh nach mó a luach ná €10,000; conradh Comhpháirtíochta Príobháideach Poiblí; agus conradh le haghaidh teaghaise nach mó ná 200 méadar cearnach, sa chás ina bhfuil duine de na páirtithe sa chonradh ina áit chónaithe nó ina ndéanann sé nó sí cinneadh é a áitiú mar áit chónaithe.

3.2 Déantar foráil leis an Acht maidir le cearta agus oibleagáidí nua dlíthiúla ar na páirtithe le conradh foirgníochta ábhartha. Forchuirtear leis an Acht fórlacha conarthacha íosta maidir le híocaíochtaí, go háirithe maidir le huainiú na n-íocaíochtaí, agus ní fhéadfaidh páirtithe i gconradh foirgníochta ábhartha tarraingt siar as fórlacha an Achta. Toirmisctear leis an Acht freisin an cleachtas ‘íoc nuair a íoctar’, foráil i gconradh foirgníochta ina bhforáiltear go bhfuil íocaíocht méide atá dlite faoin gconradh, nó uainiú íocaíochta den sórt sin, coinníollach ar íocaíocht a dhéanamh trí dhuine nach páirtí sa chonradh foirgníochta é, cé is moite amháin den chás ina éiríonn tríú páirtí i gconradh a bheith dócmhainneach.

3.3 Áireofar an méid seo a leanas i gconradh foirgníochta a chumhdaítear leis an Acht:

(i) méid gach íocaíochta eatramhaí agus deiridh nó sásra leordhóthanach chun na méideanna sin a chinneadh;

(ii) an dáta éilimh íocaíochta do gach méid atá dlite nó sásra leordhóthanach chun na dátaí sin a chinneadh; agus

(iii) an tréimhse idir an dáta éilimh ar íocaíocht agus an dáta a bhfuil an méid dlite.

3.4 Mura bhfuil na téarmaí atá leagtha amach in alt 3.3 thuas san áireamh mar chuid de phríomhchonradh foirgníochta, beidh feidhm ag na dátaí éilimh íocaíochta seo a leanas maidir leis an gconradh:

- (i) 30 lá tar éis an dáta a cuireadh tús leis an gconradh foirgníochta;
- (ii) 30 lá tar éis an dáta éilimh ar íocaíocht dá dtagraítear in (i) thuas agus gach 30 lá ina dhiaidh sin suas go dtí an dáta críochnaithe substaintiúil; agus
- (iii) 30 lá tar éis an dáta críochnaithe deiridh.

Ina theannta sin, ní bheidh an dáta a mbeidh íocaíocht dlite i ndáil le méid arna éileamh faoin gconradh tráth nach déanaí ná 30 lá tar éis dháta an éilimh íocaíochta.

3.5 Déantar foráil san Acht maidir le cosaintí reachtúla tábhachtacha le haghaidh fochonraitheoirí i dtionscal na foirgníochta. Ní mór go n-áireodh fochonarthaí na dátaí éilimh ar íocaíocht seo a leanas ar a laghad:

- (i) 30 lá tar éis an dáta a cuireadh tús leis an gconradh foirgníochta;
- (ii) 30 lá tar éis an dáta éilimh ar íocaíocht dá dtagraítear in (i) thuas agus gach 30 lá ina dhiaidh sin suas go dtí an dáta críochnaithe substaintiúil; agus
- (iii) 30 lá tar éis an dáta críochnaithe deiridh.

Ní bheidh an dáta a mbeidh íocaíocht dlite i ndáil le méid arna éileamh faoin bhfochonradh tráth nach déanaí ná 30 lá tar éis dháta an éilimh íocaíochta.

3.6 Ceanglaítear leis an Acht ar Pháirtí Forghníomhaithe (príomhchonraitheoir nó fochonraitheoir atá ag déanamh na hoibre faoin gconradh) fógra éilimh íocaíochta a sheachadadh don Pháirtí Eile (nó do dhuine a shonraítear faoin gconradh tógála atá ag gníomhú thar ceann an Pháirtí Eile), tráth nach déanaí ná 5 lá tar éis an dáta éilimh íocaíochta ábhartha. Má chuireann an páirtí Eile sin i gcoinne go bhfuil an méid a éilíonn an páirtí forghníomhaitheach dlite agus iníoctha, ceanglaítear ar an bPáirtí Eile (nó ar an duine atá ag gníomhú thar ceann an Pháirtí Eile) freagra a thabhairt don pháirtí Forghníomhaithe, tráth nach déanaí ná 21 lá tar éis dháta an éilimh íocaíochta ina leagtar amach na nithe seo a leanas:

- (a) an chúis/na cúiseanna leis an cunspóid faoin méid a d'éiligh an páirtí Forghníomhaithe san fhógra éilimh íocaíochta, lena n-áirítear aon éileamh ar chaillteanas nó damáiste a thagann chun cinn as sárú líomhnaithe ar aon oibleagáid chonarthach nó eile de chuid an pháirtí Fhorghníomhaithe; agus
- (b) an méid, más ann dó, a bheartaítear a íoc leis an bpáirtí Forghníomhaithe agus an bonn ar an gcaoi a ríomhtar an méid sin.

3.7 D'fhéadfadh na páirtithe sa chonradh foirgníochta a bheith in ann teacht ar chomhaontú maidir leis an méid a bheidh le híoc leis an bpáirtí Forghníomhaitheach. Mar sin féin, mura dtagtar ar chomhaontú den sórt sin faoin dáta dlite íocaíochta, ceanglaítear ar an bPáirtí Eile an méid, más ann dó, a íoc leis an bpáirtí Forghníomhaithe a mhol an Páirtí Eile a íoc ina fhreagra ar an bhfógra um éileamh íocaíochta a chonspóidtear ón bpáirtí Forghníomhaitheach. Déanfar an íocaíocht seo faoin dáta dlite íocaíochta de réir Alt 4(3)(b) den Acht.


3.8 Sonraítear in Alt 5 den Acht, mura n-íocann an Páirtí Eile aon mhéid atá dlite faoi chonradh foirgníochta ina iomláine faoin dáta dlite íocaíochta, féadfaidh an páirtí forghníomhaitheach obair faoin gconradh foirgníochta a chur ar fionraí trí fhógra i scríbhinn a thabhairt don Pháirtí Eile.

- 3.9** Thug an tAcht isteach, don chéad uair in Éirinn, ceart nua do pháirtí i gconradh forgníochta, mar atá sainmhínithe faoi Alt 1 den Acht, díospóid íocaíochta a tharchur lena breithniú mar mhodh chun an díospóid sin a réiteach. Samhlaíonn an tAcht go dtabharfar breithiúnas i gcrích laistigh d'fhráma ama gearr, i.e., 28 lá ó dháta atreoraithe na díospóide chuig Breithneoir. Féadfar an tréimhse seo a bheith sínte amach i gcúinsí áirithe.
- 3.10** Más rud é nach féidir leis na páirtithe i gconradh foirgníochta teacht ar comhaontú maidir leis an té atá le ceapadh mar Bhreithneoir, d'fhéadfadh páirtí iarratas a dhéanamh liomsa, i mo cháil mar Chathaoirleach ar an bPainéal Breithneoirí atá ceaptha ag an Aire, ag lorg ceapachán Breithneora. Tá liosta iomlán chomhaltaí an Phainéil Breithnithe um Chonarthaí Foirgníochta in Aguisín 1. D'éirigh an tUasal John Costello agus an tUasal Gerard Meehan S.C. araon as an bPainéal le linn 2023.
- 3.11** Tá tuilleadh faisnéise mionsonraithe ar an Acht um Chonarthaí Foirgníochta, 2013 ar fáil ar shuíomh gréasáin na Roinne Fiontar, Trádála agus Fostaíochta, ar www.enterprise.gov.ie.

4. Iarratais faoi alt 6(4) den Acht um Chonarthaí Foirgníochta, 2013

- 4.1** Ceanglaítear orm Breithneoir a shannadh ón bPainéal Breithiúna atá ceaptha ag an Aire tar éis iarratas a rinneadh faoi alt 6(4) den Acht um Chonarthaí Foirgníochta, 2013 a chomhlíonann alt 15 den *'Chód Cleachtais a Rialaíonn Iompar Breithnithe'*. Ceapaimse Breithneoir de ghnáth laistigh de 7 lá tar éis iarratas scríofa a fháil, ach amháin má theipeann ar an iarratas alt 15 den Chód Cleachtais a chomhlíonadh nó má bhíonn tuilleadh faisnéise de dhíth ar an iarratasóir a bhaineann le cineál na díospóide, de réir alt 16 den Chód Cleachtais.
- 4.2** Le linn na tréimhse a chlúdaítear sa Tuarascáil Bhliantúil seo, bhí 61 iarratas ag iarraidh Breithneoir a cheapadh faighte ag Seirbhís Breithnithe um Chonarthaí Tógála na Roinne Fiontar, Trádála agus Fostaíochta, a sholáthraíonn an tacaíocht riaracháin riachtanach dom agus iarratais den sórt sin a phróiseáil.
- 4.3** Rinne mé 57 ceapachán Breithneora faoi alt 6(4) den Acht um Chonarthaí Foirgníochta, 2013 sa tréimhse atá clúdaithe sa Tuarascáil Bhliantúil seo. Ina theannta sin, tarraingíodh siar dhá iarratas sular cheap mé Breithneoir. Socraíodh ceann amháin de na hiarratais sin a tarraingíodh siar idir na páirtithe agus athiontráil an chás eile a tarraingíodh siar an dara huair agus ceapadh Breithneoir mar thoradh ar an iarratas sin. Tá an ceapachán sin san áireamh sa líon ceapachán dá dtagraítear níos luaithe.
- 4.4** Bhí dhá iarratas ann freisin a measadh a bheith neamhchomhlíontach leis an reachtaíocht/na ceanglais iarratais a leagtar amach sa *'Chód Cleachtais a Rialaíonn Iompar Breithnithe'*. Cuireadh ceann de na hiarratais sin isteach an dara huair agus ceapadh Breithneoir mar thoradh ar an iarratas sin. Níl an ceapachán sin san áireamh sna ceapacháin dá dtagraítear i mír 4.3, toisc go ndearnadh é níos déanaí ná an tréimhse a chlúdaítear sa Tuarascáil Bhliantúil seo.

4.5 Soláthraíonn Fíor 1 faisnéis ar líon na n-iarratas agus ar ceapacháin Breithneora a rinneadh faoi alt 6(4) den Acht um Chonarthaí Foirgníochta, 2013 le cúig bliana anuas. Taifeadh an dara líon is airde iarratas agus ceapachán Breithneora faoin reachtaíocht go dtí seo i mBliain 7.




5. Tuairisceáin sonraí staidrimh ó Bhreithneoirí

- 5.1 Tá ceanglais leagtha amach sa *'Chód Cleachtais a Rialaíonn Iompar Breithnithe'* do Bhreithneoirí chun faisnéis a sholáthar don tSeirbhís Breithnithe um Chonarthaí Foirgníochta tar éis ceapacháin (alt 12); tar éis éirí as oifig (alt 30); agus ar thoradh cásanna breithnithe (alt 39), chun críche sonraí staidrimh gan ainm a thiomsú ar fheidmiú an Achta.
- 5.2 Soláthraítear sa chuid seo den tuarascáil faisnéis mhionsonraithe ar thorthaí na gcásanna breithnithe, ar chuir na Breithiúna ceaptha faisnéis gan ainm ar fáil ina leith. Le linn na tréimhse atá clúdaithe sa Tuarascáil Bhliantúil seo, fuair an tSeirbhís Breithnithe um Chonarthaí Foirgníochta 58 tuairisceán sonraí ó na Breithneoirí. Áirítear leis seo faisnéis ar chásanna inar aontaigh na páirtithe ar cheapadh Breithneora, chomh maith le cásanna inar cheap mé Breithneoir faoi alt 6(4) den Acht don díospóid íocaíochta. Toisc go bhfuil na sonraí a fuarthas ar na cásanna seo gan ainm, ba chóir a thabhairt faoi deara nach mbaineann an fhaisnéis atá leagtha amach sa chuid seo den tuarascáil go heisiach le cásanna inar cheap mise an Breithneoir faoi alt 6(4) den Acht.
- 5.3 Tá príomhcháilíocht ghairmiúil na mBreithneoirí sna 58 cás seo leagtha amach i dTábla 1 agus tá príomhshuíomhanna na n-aighneas íocaíochta lena mbaineann liostaithe i dTábla 2.


Tábla 1	
Príomhcháilíocht Ghairmiúil an Bhreithneora	
Ailtire	18
Suirbhéir Cainníochta	10
Comhalta d'Institiúid Chairte na nEadránaithe	10
Aturnae	8
Innealtóir	7
Abhcóide	5
Iomlán	58

Tábla 2	
Príomhshuíomhanna Láithreáin Díospóidí Íocaíochta de réir Contae	
Baile Átha Cliath	31
Lú	7
Luimneach	4
Corcaigh	3
Cill Chainnigh	3
Port Láirge	2
Muineachán	1
Cill Dara	1
Liatroim	1
Dún na nGall	1
Sligeach	1
Loch Garman	1
Gaillimh	1
Ní Fios	1
Iomlán	58


5.4 Leagtar amach i bhFíor 2 thíos amach catagóirí na bpáirtithe atá faoi dhíospóid. Bhain an díospóid ba choitianta a cuireadh ar aghaidh le haghaidh breithnithe le fochonraitheoir a bhí ag díospóid le príomhchonraitheoir, agus ba é an fochonraitheoir a rinne an tarchur. Ciallaíonn an chatagóir ‘Fostóir Eile’ go bhfuil an páirtí conarthach sin san earnáil phríobháideach. Bhí cás amháin eile ann nárbh eol catagóirí na bpáirtithe a bhí faoi dhíospóid toisc gur chúlghair na páirtithe ceapadh an Bhreithneora sular cuireadh an díospóid faoi bhráid an Bhreithneora.




5.5 Soláthraítear i bhFíor 3 faisnéis ar nádúr na ndíospóidí sna cásanna seo. Bhain an líon is airde díospóidí le díospóidí íocaíochta deiridh. Bhain an dá dhíospóid ar cuireadh síos orthu mar ‘Íocaíocht Eile’ le cibé acu ar cuireadh deireadh le fochonradh go dleathach agus an t-airgead a tháinig as foirceannadh an chonartha sin, agus bhain an cás eile le héagsúlachtaí ar an gconradh idir na páirtithe.




5.6 Soláthraítear i bhFíor 4 faisnéis faoin méid atá faoi dhíospóid idir na páirtithe. Ba é an líon is airde cásanna a bhain leis ná idir €100,001 - €500,000.




5.7 Soláthraítear i bhFíor 5 faisnéis ar stádas na 58 díospóid tar éis ceapadh Breithneora. Ar an iomlán eisíodh 45 cinneadh Breithneoirí.




5.8 Soláthraítear i bhFíor 6 faisnéis ar thoradh 45 cinneadh Breithneoirí. D'éirigh leis an bpáirtí atreoraithe i 30 cás, bhí cinneadh roinnte idir na páirtithe i 9 gcás agus d'éirigh leis an bPáirtí Freagróra i 6 chás.




5.9 Soláthraítear i bhFíor 7 faisnéis ar na méideanna a tugadh amach i gcinntí na mBreithneoirí. Bhí 40 cás san iomlán mar thoradh ar dhámhachtainí airgeadaíochta a rinne an Breithneoir. Sna 5 chás eile, ní dhearnadh aon dámhachtainí airgid toisc gur éirigh leis an bhFreagróir sna cásanna sin.




5.10 Soláthraítear i bhFíor 8 faisnéis ar an scála ama chun cinntí na mBreithneoirí a eisiúint chuig na páirtithe sna 45 cás thuasluaite. Eisíodh formhór na gcinntí laistigh de 28 lá nó laistigh de 42 lá ó dháta atreoraithe díospóide íocaíochta chuig Breithneoir. Eisíodh 11 chinneadh eile ar scála ama níos faide, a d'aontaigh na páirtithe sna díospóidí sin de réir alt 6 den Acht ('Scála ama eile').



5.11 Éilítear sa ‘Chód Cleachtais a Rialáíonn Iompar Breithiúnas’ gur cheart go mbeadh na táillí a ghearrann Breithneoirí “réasúnta mar luach ag féachaint don mhéid atá faoi dhíospóid, castacht na díospóide, an t-am a chaith an Breithneoir” ar an díospóid agus imthosca ábhartha eile. Soláthraítear i bhFíor 9 faisnéis ar na táillí in aghaidh na huairé a ghearr Breithneoirí sna 58 cás a tuairiscíodh. Bhí 7 gcás inar gearradh aon táillí in aghaidh na huairé mar gur socraíodh na cásanna nó nár cuireadh ar aghaidh leo ar chúis éigin eile.



5.12 Sonraítear i bhFíor 10 na táillí iomlána a ghearr na Breithneoirí sna 58 cás a tuairiscíodh. Ba iad na táillí Breithneora ba choitianta a gearradh sna raonta idir €1,000 agus €4,999, €5,000 go €9,999 agus €10,000 go €14,999.



6. Breithiúnais na hArd-Chúirte

- 6.1** Leathnaíodh Rialacha na nUaschúrteanna chun foráil a ionchorprú chun cinntí na hArd-Chúirte a fhorghníomhú faoin Acht um Chonarthaí Foirgníochta, 2013 – ‘Rialacha na nUaschúrteanna (An tAcht um Chonarthaí Foirgníochta, 2013) 2016’ (Ionstraim Reachtúil Uimh. 450 de 2016)
- 6.2** Tá roinnt breithiúnas eisithe ag an Ard-Chúirt chun cinneadh breithneora a rinneadh faoin Acht um Chonarthaí Foirgníochta, 2013 a fhorfheidhmiú.
- 6.3** Fáiltím roimh bhreithiúnas an Bhreithimh Twomey le déanaí in K&J Townmore Construction Limited agus Damien Keogh and Deslend (Mechanical) Limited T/A COBEC Engineering Group [2023] IEHC 509. Sa chás seo, ceapadh an tUasal Damien Keogh S.C., ina Bhreithneoir faoin Acht um Chonarthaí Foirgníochta, 2013.

Dhiúltaigh an Ard-Chúirt cead a thabhairt do K&J Townmore Construction Limited imeachtaí athbhreithnithe bhreithiúnaigh a thionscnamh sa chás seo, ar na cúiseanna a leagadh amach sa bhreithiúnas. In alt 79 den bhreithiúnas, sonraítear:

“Mar sin féin, tá sé ráite ag an Ard-Chúirt go ndéileáiltear le díospóidí dlínsiúla maidir le breithneoir arna cheapadh faoi Acht 2013 ag céim na n-imeachtaí forfheidhmithe den phróiseas breithiúnach. Ar an ábhar sin, feictear don Chúirt seo gurb é seo an réiteach ‘cuí’ agus ‘eile’ atá ann le haghaidh agóidí dlínsiúla, seachas athbhreithniú breithiúnach neamhspleách ar an bpróiseas breithiúnach.”

- 6.4** Is ráiteas tábhachtach é seo, a cuireadh in éineacht leis na Breithiúnais seo a leanas:

- (i) An Breitheamh Onórach Simons in Aakon Construction Services Limited agus Pure Fitout Associated Limited [2021] IEHC 562;
- (ii) An Breitheamh Onórach Meenan i Principal Construction Limited agus Beneavin Contractors Limited [2021] IEHC 578; agus
- (iii) An Breitheamh Onórach O’Moore in O’Donovan & Eile agus Bunni & Eile [2021] IEHC 575.

a chuireann an dlí-eolaíocht a bhaineann le breithiúnas chun cinn go mór agus ba cheart go rachadh sé chun tairbhe go mór do na páirtithe go léir atá ag leanúint ar bhreithiúnas nó atá ag smaoineamh ar bhreith a thionscnamh faoin Acht um Chonarthaí Foirgníochta, 2013.

7. Tráchtairacht agus Conclúidí

- 7.1** Tá 57 mBreithneoirí ceaptha agam faoi alt 6(4) den Acht um Chonarthaí Foirgníochta, 2013 ar díospóidí íocaíochta a bhfuil luach iomlán €44.5 milliún comhcheangailte leo sa tréimhse atá clúdaithe ag an Tuarascáil Bhliantúil seo.
- 7.2** Tá líon na n-iarratas agus ceapachán Breithneoirí a rinneadh sa seachtú bliain ó tháinig an tAcht i bhfeidhm ar an dara líon is airde go dtí seo. Léiríonn sé seo go bhfuil páirtithe i gconarthaí foirgníochta ag leanúint a gcearta faoin Acht chun sásamh a lorg mar gheall ar neamhíocaíocht nó ganníocaíocht.
- 7.3** Cé go raibh fochonraitheoir/príomhchonraitheoir agus príomhchonraitheoir/Fostóir i gceist le formhór na ndíospóidí íocaíochta a tuairiscíodh, deimhníonn Fíor 1 go bhfuil páirtithe eile ag saothrú a gcearta faoin reachtaíocht freisin. D'éirigh nó d'éirigh go páirteach leis an bpáirtí atreoraithe i 39 gcinn de na 45 cinneadh a thuairiscítear i bhFíor 6.
- 7.4** Tá sé tábhachtach go gcloífeadh Fostóirí, príomhchonraitheoirí agus fochonraitheoirí lena n-oibleagáidí atá leagtha amach san Acht um Chonarthaí Foirgníochta, 2013. Ba mhaith liom a chur in iúl freisin, má tá páirtí i gconradh foirgníochta, mar atá sainmhínithe san Acht, ag smaoineamh ar aighneas íocaíochta a tharchur le haghaidh breithniú, gur cheart gach nós imeachta cuí a éilítear faoin Acht agus faoin *'Cód Cleachtais a Rialaíonn Iompar Breithnithe'* a leanúint.
- 7.5** Cé go bhfuil tuairisc tugtha agam ar na sonraí a soláthraíodh i gcúinsí inar roghnaigh Breithneoirí sonraí den sórt sin a sholáthar, ní féidir a rá go cinntitheach go gcuimsítear leis seo gach cás breithiúnais a tugadh chun críche faoin Acht le bliain anuas. D'fhéadfadh breithnithe breise a bheith déanta freisin de bhun an Achta, i gcás inar chomhaontaigh na páirtithe ar an mBreitheamh a cheapadh gan dul i muinín na Seirbhíse Breithnithe um Chonarthaí Foirgníochta, agus nár tugadh staitisticí don tSeirbhís ina leith.
- 7.6** D'éirigh an tUas. John Costello agus an tUas. Gerard Meehan S.C. araon as mar chomhaltaí de Phainéil Breithnithe um Chonarthaí Foirgníochta le linn 2023. Ba mhaith liom buíochas a ghabháil leo as a gcion mar chomhaltaí den Phainéal.
- 7.7** Mar fhocal scoir, ba mhaith liom buíochas a ghabháil freisin le comhaltaí an Phainéil a ghlac le ceapacháin Breithneoirí faoi Alt 6(4) den Acht, go minic ar ghearrfhógra. Ina theannta sin, gabhaim buíochas le foireann an tSeirbhís Breithnithe um Chonarthaí Foirgníochta na Roinne Fiontar, Trádála agus Fostaíochta as a dtacaíocht riaracháin dom i mo ról mar Chathaoirleach an Phainéil.

An tUas. Bernard Gogarty,
Cathaoirleach.
Meán Fómhair 2023

Aguisín 1

Baill an Phainéil Breithnithe um Chonarthaí Foirgníochta

Tá an tUas. Bernard Gogarty ina chomhalta agus ina Chathaoirleach ar an bPainéal.

An tUas. Peter Aeberli	Karen Killoran Uas
An tUas. Joe Behan	An tUas. Niall Lawless
An tUas. Kevin Brady	An Dr. John Derek Layng Ross
An tUas. James Bridgeman	An tUas. Niall Meagher
An tUas. Jonathan Cope	An tUas. Gerard Meehan ¹
An tUas. John Costello ²	An tUas. Matthew Molloy
An tUas. Dermot Durack	An tUas. Gerard Monaghan
Siobhan Fahey Uas	An tUas. James O'Donoghue
An tUas. Ciaran Fahy	An tUas. Denis O'Driscoll
Orla Fitzgerald Uas	An tUas. Sean O'Flaherty
An tUas. John Thomas Gibbons	Niav O'Higgins Uas
An tUas. James Golden	An tUas. David O'Leary
An tUas. Conor Hogan	An tUas. Peter Eugene O'Malley
An tUas. John Hughes	An tUas. Gerard O'Sullivan
An tUas. Jarlath Kearney	An tUas. Edward James Quigg
An tUas. Keith Kelliher	An tUas. Martin Waldron
An tUas. Conor Kelly	An tUas. Peter Walshe
An tUas. Damien Keogh	

¹ D'éirigh as i Meán Fómhair 2023

² D'éirigh as i mí an Mhárta 2023